

朱邨文牖偶存湖州竹枝詞

柘湖宦游錄

朱姬父隨

佩序

宣統建元

吳俊卿



歸安 蔣氏月
河東堂藏板

環百里之地而長之理亂休戚付
之一人上德之下究與下情之上
達胥於是乎受成焉一有不慎
傾覆隨之望溪方氏嘗以轅馬
為喻蓋非筮筮之吏所能賤其
任矣吾友 蘭江大令治金山

八年政成訟理民情大蘇將遷
劇邑以去出所為公牒父字以惠
來者索一言并其端竊謂古無
所謂循吏也儒者而已矣三代以
上學無異趨仕無它途橫經之士
服習於詩書禮樂以平其氣而澤


其躬及方推擇為吏舉而措之
耳降至秦漢以吏為師雅道寢衰
矣雖復置博士進儒者然王霸雜
行申韓揉出學道愛人無所為
爾太史公敘循吏傳不列時人而
董仲舒公孫宏輩經術潤飾吏

事者未嘗不表而出之況乎明先
王之道通經而致用者邪然則
為治之要誠在此不在彼矣

蘭江之文溫醇容雅訓辭深厚
庶幾於古之循吏與緣飾經術
者又異矣

聖人在上立賢無方起家累綬
寔繇有徒

蘭江其益茂明所學周之客之
他日訢謨嘉猷上躋於伊訓克命
之林不尤是壯矣哉庚戌秋八月
同學弟朱祖謀序



祭告城隍神文

維

光緒二十八年歲在壬寅十一月丁巳朔越五日庚申
主祭官欽加同知銜 賞戴花翎江蘇松江府金山縣
知縣蔣清瑞謹致祭於

本縣城隍神曰維神聰明維神正直以佑我民以福我
國弭患捍災賞善罰惡用設神道之教相維刑政之窮
特崇祀典仰答

神庥今小子

瑞

自慚涼德來宰是邦恐負厥職昔爲人

才薈萃之區今爲匪類逋逃之藪褻尊嚴之宇作賭博

之場燬屍搶孀俗多惡習拔人勒贖地遍私梟書役之
蠹弊叢生營私值黨娼妓之窩藏莫禁敗俗喪風訟棍
多則民受其愚資產由茲傾蕩賭風熾則人被其誘身
家類致滅亡欲移風俗之衰均屬宰官之職因思新民
必先明德修己乃可安人敬信以持素奉三無之聖訓
清廉是矢敢玷四勿之家聲自維孱質之庸愚胥賴
神靈之佑助更祝雨暘時若年穀豐登使衣食足而禮
義自生教化行而閭閻若堵去其染舊咸與維新倘
心未潔白政未公平一有貪墨之端甘受昭彰之罰
神其鑒此呵護將來謹祝

牒移城隍神文

爲牒請事竊維除暴安良本屬牧民之職冥誅陰罰悉
爲化俗之方近者風教不行民多爲盜政刑徒設役盡
營私有如豺虎不殲則噬人莫忌荆棘不去則礙路堪
虞雖幽明判若兩途而法律總歸一致予小子瑞來宰
是邑兩月於茲飲泖湖之水猶媿懷清對秦望之山尙
輸法峻初無德政之及民又乏聲威之振俗茲于本年
正月初七夜所屬四保二十三圖庫濱地方有事主顧
邦基家被盜搶刦一案至今匝月獲犯無由縱捕役之
頑疲實小子之庸弱千般籌畫百計圖維重賞雖懸絕

無影響惟仗

神功之佑助俾獲匪類而纖除天譴難逃盡屬投羅之
兔陰司必糾難爲漏網之魚用敢盟沐誠求伏乞

威靈照鑒則匪之所在神必先知賜飭殿下虎衛之軍
龍驤之士嚴行緝捕默使羈牽燭照無遺犀燃莫遁還
望隱通夢寐迅示機宜以資速獲克慰私衷則感戴
神威愈加謹惕小子幸甚百姓幸甚爲此牒呈
城隍尊神鑒察施行須至牒者

到任關防自誓告示

爲出示曉諭事照得本縣初膺民社治譜未諳惟自束
髮授書以來始承庭訓繼受師傳義利之辨常惺不昧
迨弱冠食庠餼壯年領鄉薦備員內閣濫厠兵曹久踏
軟紅常安儒素緣慈母在堂難以重洋迎養不得已改
官縣令今者恭膺銓選承乏是邦又蒙各憲諄諄以肅
官箴振民風端士習相勗自媿出山祇成小草敢欺清
夜頓改初衷甚願與是邦賢士大夫有善相勸有過相規
常相砥礪者也本縣清白乃心冰淵自凜幕友皆延公
正家丁僅備傳呼卽書役一項與本官相去懸絕況馭

下極嚴尤不准妄談公事苞苴屏絕干謁不通惟是金
邑近接浙江粉鄉伊邇恐有不法棍徒或假託官親或
冒稱故舊乘機撞騙遇事招謠不可不時防其漸如有
前項情事許卽扭送來縣立時嚴辦或有不肖士民不
法吏役任聽煽惑勾結往來有意營求希圖僥倖通之
以賄誘之以利一經覺察均之從嚴懲治與受同科決
不寬貸除錢漕平餘公費沿用舊章之不病民者不敢
過事矯情率行改易此外一切詞訟案件無論千百之
多銖兩之少倘敢貪贓受賂非但顯遭國法亦且隱受
天誅區區之心其共鑒諸爲此仰勸邑人等知悉特示